

**PRAVILNIK
O PROGRAMU OBUKE I NAČINU
OSPOSOBLJAVANJA ZA PRAVILNO RUKOVANJE I
POZNAVANJE PROPISA U VEZI DRŽANJA, ČUVANJA
I NOŠENJA VATRENOG ORUŽJA**

DIO PRVI - OPĆE ODREDBE

Član 1.
(Predmet)

- (1) Ovim pravilnikom propisuje se program obuke i način osposobljavanja za pravilno rukovanje i poznavanje propisa u vezi držanja, čuvanja i nošenja vatrenog oružja građana koji podnose zahtjev za izdavanje odobrenja za nabavljanje, držanje i nošenje vatrenog oružja (u daljnjem tekstu: građani) koje provode:
- a) komisija Ministarstva unutrašnjih poslova Kantona Sarajevo za provođenje obuke i polaganje ispita o poznavanju propisa koji se odnose na držanje, čuvanje i nošenje vatrenog oružja (u daljnjem tekstu: Komisija) iz člana 16. stav (1) tačka a) Zakona o nabavljanju, držanju i nošenju oružja i municije ("Službene novine Kantona Sarajevo", br: 1/18, 13/18 - Ispravka i 30/19, u daljnjem tekstu: Zakon) i
 - b) sportska streljačka, odnosno druga organizacija ili ustanova koja ima registrovano sjedište na području Kantona Sarajevo i ispunjava propisane uvjete za provođenje obuke i posjeduje odobrenje Uprave policije Ministarstva unutrašnjih poslova Kantona Sarajevo (u daljnjem tekstu: stručna ovlaštena organizacija) iz člana 16. stav (1) tačka b) Zakona.
- (2) Pored navedenog u stavu (1) ovog člana, ovim pravilnikom propisuju se i imenovanje, sastav, način rada i naknada za rad Komisije, trajanje programa osposobljavanja, način prijavljivanja polaganja ispita i izdavanje potvrde o položenom ispitu, troškovi osposobljavanja, vođenje evidencija, posebni uvjeti koje moraju ispunjavati stručne ovlaštene organizacije koje se mogu baviti obukom o raspolaganju tehničkim znanjima za pravilno rukovanje oružjem i druga pitanja od značaja za navedenu problematiku.

Član 2.
(Pojmovi)

Pojedini pojmovi upotrijebljeni u ovom pravilniku imaju sljedeće značenje:

- a) strelješte za obuku je civilno strelješte, odnosno otvoreni ili zatvoreni objekat (streljana) koji može biti i vojno strelješte dopušteno za civilnu upotrebu, ili drugo službeno strelješte namijenjeno sportsko-rekreativnom gađanju i edukaciji, a koje ispunjava tehničke i sigurnosne uvjete za upotrebu registrovanog ili prijavljenog oružja,
- b) oružje za obuku čini vatreno oružje one vrste za koje se sprovodi obuka s odgovarajućom municijom i
- c) nastavna sredstva za obuku čini oprema neophodna za sprovođenje obuke u skladu sa programom obuke (mete, municija, antifoni, sredstva za čišćenje oružja, zaštitne naočale, učila i dr.).

Član 3.
(Ravnopravnost spolova)

Gramatička terminologija korištenja muškog ili ženskog spola u ovom pravilniku podrazumijeva uključivanje oba spola.

**DIO DRUGI - POZNAVANJE PROPISA U VEZI
DRŽANJA, ČUVANJA I NOŠENJA VATRENOG
ORUŽJA**

Član 4.

(Sadržaj Programa osposobljavanja)

- (1) Program osposobljavanja o poznavanju propisa koji se odnose na držanje, čuvanje i nošenje vatrenog oružja (u daljnjem tekstu: Program osposobljavanja) sadrži:
- a) upoznavanje sa odgovarajućim odredbama Zakona, a naročito:
 - 1) osnovne odredbe (vrste oružja, kategorizacija oružja i ograničenja i dr.),
 - 2) postupak nabavljanja oružja i municije (isprave o oružju, opći i posebni uvjeti za izdavanje odobrenja za nabavljanje oružja za fizička lica i način njihovog utvrđivanja, nabavljanje bitnih dijelova oružja, nabavljanje municije, registracija oružja i izdavanje oružnog lista, zamjena oružja i prenos prava svojine, korištenja i raspolaganja i dr.),
 - 3) postupanje s oružjem i municijom (postupanje s oružjem i municijom, nošenje i prenošenje oružja i municije, zabrana nošenja i upotrebe oružja, davanje oružja na poslugu, čuvanje oružja i municije, postupanje u slučaju gubljenja ili krađe oružja ili isprava o oružju, pronalazak oružja i municije i dr.),
 - 4) oduzimanje oružja, municije i isprava o oružju,
 - 5) popravljnje i prepravljnje oružja,
 - 6) promet oružja i municije,
 - 7) civilna streljašta,
 - 8) odredbe o sankcijama (krivična djela i prekršaji i kaznene odredbe) i
 - 9) ostalo.
 - b) upoznavanje sa propisima koji se odnose na pravilnu upotrebu vatrenog oružja, a naročito insitute:
 - 1) nužne obrane i
 - 2) krajnje nužde.
- (2) Poslove organizacije naplate troškova i upućivanja građana na obuku o poznavanju propisa koji se odnose na držanje, čuvanje i nošenje vatrenog oružja vrši nadležna policijska uprava u Upravi policije Ministarstva unutrašnjih poslova Kantona Sarajevo (u daljnjem tekstu: nadležna policijska uprava) u skladu sa odredbama Zakona.
- (3) Prijava za obuku iz stava (2) ovog člana podnosi se nadležnoj policijskog upravi na Obrascu broj 1. koji je sastavni dio ovog pravilnika.

Član 5.

(Trajanje Programa osposobljavanja)

Program osposobljavanja iz člana 4. ovog pravilnika traje dva nastavna sata.

Član 6.

(Prijava za polaganje ispita)

- (1) Građani su, nakon završene obuke iz člana 4. ovog pravilnika, dužni položiti ispit o poznavanju propisa koji se odnose na držanje, čuvanje i nošenje vatrenog oružja.
- (2) Prijavu za polaganje ispita o poznavanju propisa koji se odnose na držanje, čuvanje i nošenje vatrenog oružja građani mogu podnijeti najmanje sedam dana nakon završenog osposobljavanja, nadležnoj policijskog upravi koja je dužna prijavu odmah dostaviti Komisiji.
- (3) Građanin može ispit iz stava (1) ovog člana polagati više puta.

- (4) Ponovnom polaganju ispita građanin može pristupiti najranije 14 dana od dana zadnjeg polaganja.
- (5) Komisija je dužna o izvršenom polaganju sačiniti zapisnik koji mora potpisati predsjedavajući i svi članovi Komisije i u kojem mora stajati konstatacija da li je podnosilac prijave položio ispit.
- (6) Prijava za polaganje ispita iz stava (1) ovog člana podnosi se na Obrascu broj 2, koji je sastavni dio ovog pravilnika.

Član 7.

(Potvrda o položenom ispitu)

- (1) O položenom ispitu o poznavanju propisa koji se odnose na držanje, čuvanje i nošenje vatrenog oružja, nakon provedenog testiranja, izdaje se potvrda.
- (2) Potvrdu iz stava (1) ovog člana, nakon što mu je pripremi Komisija, u tri primjerka izdaje rukovodilac nadležne policijske uprave na osnovu zapisnika Komisije iz člana 6. stav (5) ovog pravilnika.
- (3) Potvrda o položenom ispitu iz stava (1) ovog člana izdaje se na Obrascu broj 3, koji je sastavni dio ovog pravilnika.

Član 8.

(Troškovi osposobljavanja)

- (1) Naknada za osposobljavanje u vezi poznavanja propisa koji se odnose na držanje, čuvanje i nošenje vatrenog oružja iz člana 4. ovog pravilnika iznosi 100,00 KM.
- (2) Naknadu za osposobljavanje iz stava (1) ovog člana snosi građanin, podnosilac prijave za polaganje ispita.

Član 9.

(Komisija)

- (1) Osposobljavanje o poznavanju propisa koji se odnose na držanje, čuvanje i nošenje vatrenog oružja građana, kao i polaganje ispita iz čl. 6. i 7. ovog pravilnika organizuje i sprovodi Komisija.
- (2) Komisiju, na prijedlog policijskog komesara, formira ministar unutrašnjih poslova Kantona Sarajevo.
- (3) Komisiju sačinjavaju predsjedavajući i dva člana.
- (4) Članovi Komisije se imenuju na vremenski period od dvije godine, a njihov mandat može se obnoviti više puta.
- (5) Za potrebe rada Komisije angažovaće se lica koje će obavljati administrativno-tehničke poslove.
- (6) Predsjedavajućem, članovima Komisije i administrativno-tehničkom licu, za obavljanje poslova propisanim ovim pravilnikom pripada naknada koju određuje policijski komesar posebnim rješenjem.

DIO TREĆI - RASPOLAGANJE TEHNIČKIM ZNANJEM ZA PRAVILNO RUKOVANJE VATRENIM ORUŽJEM

Član 10.

(Uvjeti za obavljanje obuke)

- (1) Obukom o raspolaganju tehničkim znanjima za pravilno rukovanje vatrenim oružjem (u daljnjem tekstu: obuka) se, u skladu s odredbama Zakona i ovog pravilnika, može baviti stručna ovlaštena organizacija koja ispunjava sljedeće propisane uvjete za provođenje obuke:
 - a) odgovarajuće strelište za obuku i prostoriju za čuvanje oružja i municije,
 - b) oružje za obuku,
 - c) nastavna sredstva za obuku,
 - d) stručni kadar za provođenje obuke i
 - e) druge uvjete propisane odredbama ovog pravilnika.
- (2) Ispunjavanje uvjeta iz stava (1) ovog člana utvrđuje posebna komisija iz člana 10. stav (8) Zakona.

Član 11.

(Stručni kadar)

Za provođenje obuke stručna ovlaštena organizacija mora imati ili angažovati instruktore za rukovanje i gađanje vatrenim oružjem koji imaju odgovarajuće iskustvo i stručnu spremu, odnosno IV stepen stručne spreme i certifikat obrazovne ili stručne ustanove, ili druge odgovarajuće organizacije ili institucije, za certificiranog instruktora za vatreno oružje ili instruktora za pištolj ili pušku.

Član 12.

(Odobrenje za provođenje obuke)

- (1) Zahtjev za izdavanje odobrenja za provođenje obuke podnosi se nadležnoj policijskoj upravi u Upravi policije Ministarstva unutrašnjih poslova Kantona Sarajevo (u daljnjem tekstu: Uprava policije) i sadrži:
 - a) naziv, sjedište i djelatnost stručne ovlaštene organizacije,
 - b) ime i prezime, jedinstveni matični broj i adresu prebivališta odgovornog lica u stručnoj ovlaštenoj organizaciji i
 - c) spisak vatrenog oružja po vrstama za koje će se sprovesti obuka.
- (2) Uz zahtjev iz stava (1) ovog člana stručna ovlaštena organizacija prilaže:
 - a) rješenje o registraciji stručne ovlaštene organizacije,
 - b) dokaz o jedinstvenom identifikacionom broju stručne ovlaštene organizacije koja namjerava da sprovodi obuku,
 - c) dokaz da su obezbijedeni: strelište za obuku, prostorije, vatreno oružje i municija za obuku i nastavna sredstva, u skladu s odredbama ovog pravilnika i
 - d) spisak predavača i instruktora, kao i dokaze o njihovoj stručnoj spremi i propisanom iskustvu za provođenje obuke te dokaz o angažovanju u stručnoj ovlaštenoj organizaciji.
- (3) Kada Komisija iz člana 10. stav (2) ovog pravilnika utvrdi da su ispunjeni propisani uvjeti, načelnik nadležne policijske uprave donosi rješenje kojim odobrava provođenje obuke.
- (4) Načelnik nadležne policijske uprave će rješenjem oduzeti odobrenje za provođenje obuke ukoliko prestane ispunjenost nekih od uvjeta iz st. (1) i (2) ovog člana.
- (5) Zahtjev iz stava (1) ovog člana nalazi se na Obrascu broj 4, koji je sastavni dio ovog pravilnika.
- (6) Podnosilac zahtjeva, u postupku izdavanja odobrenja, može odabrati da se odobri izvođenje obuke za samo jednu vrstu oružja ali i više vrsta oružja navedenih u tabeli iz člana 13. stav (2) tačka e) ovog pravilnika.

Član 13.

(Program obuke)

- (1) Praktična nastava iz tačke a) do tačke d) stava (2) ovog člana održava se grupno te se ispit iz navedenih oblasti provodi grupno, u pisanoj formi na način odabira jednog od tri ponudena odgovora za svako pitanje, ne prije narednog dana, nakon završetka predavanja. Proces gađanja vatrenim oružjem u trajanju do 30 minuta provodi se i ocjenjuje individualno.
- (2) Obuka se sastoji od praktične nastave u trajanju od maksimalno pet nastavnih sati prema sljedećim nastavnim cjelinama:
 - a) sigurnost pri rukovanju vatrenim oružjem, u trajanju od 45 minuta
 - 1) primarne mjere sigurnosti,

- 2) sekundarne mjere sigurnosti,
- 3) sigurnost pohranjivanja vatrenog oružja,
- 4) sigurnosne procedure i postupci s vatrenim oružjem,
- 5) sigurnost nošenja vatrenog oružja i
- 6) sigurnost na strelištu.
- b) kratko i dugo vatreno oružje, u trajanju 45 minuta
 - 1) taktičke i tehničke karakteristike kratkog i dugog vatrenog oružja,
 - 2) glavni dijelovi kratkog i dugog vatrenog oružja,
 - 3) sistemi za osiguranje vatrenog oružja,
 - 4) funkcionalne poluge,
 - 5) sistemi okidanja i
 - 6) održavanje vatrenog oružja.
- c) osnove vještine gađanja, u trajanju 45 minuta
 - 1) hvat i držanje vatrenog oružja,
 - 2) stavovi za gađanje,
 - 3) nišanjenje i
 - 4) okidanje.
- d) praktične vježbe u rukovanju vatrenim oružjem, u trajanju 45 minuta
 - 1) mjere i radnje pri provjeri napunjenosti vatrenog oružja,
 - 2) upotreba sigurnosnih i funkcionalnih poluga,
 - 3) rastavljanje i sastavljanje i
 - 4) okidanje.
- e) gađanje vatrenim oružjem, u trajanju do 30 minuta, prema sljedećoj tabeli:

R/B	VRSTA VATRENOG ORUŽJA	META	DALJINA I STAV	METAK	REZULTAT
A)	Pištolj ili revolver	Siluetna meta B27, 46x65 cm	10 m, stojeći stav	5 metaka probnih i 10 metaka za ocjenu	Najmanje tri pogodaka u metu
		Siluetna meta B27, 46x65 cm	10 m, stojeći stav	10 metaka za ocjenu	Najmanje pet pogodaka u metu
B)	Malokalibarska puška	Sportska kružna meta R50 cm	50 m, ležeći stav	5 metaka probnih i 10 metaka za ocjenu	Najmanje pet pogodaka u metu
		Sportska kružna meta R50 cm	25 m, stojeći stav	10 metaka za ocjenu	Najmanje pet pogodaka u metu
C)	Lovački karabin	Sportska kružna meta R25 cm	50 m, ležeći stav	5 metaka probnih i 10 metaka za ocjenu	Najmanje pet pogodaka u metu
		Sportska kružna meta R50 cm	50 m, stojeći stav	10 metaka za ocjenu	Najmanje pet pogodaka u metu
D)	Puška sa neolučenom cijevi sa punim čokom za navedenu udaljenost i punjenje	Sportska kružna meta R10 cm	20 m, stojeći stav	10 patrona sa sačmom promjera 5 mm	Najmanje oko 50% sačme 5 patrone u meti
E)	Kombinano oružje	Potencijalni vlasnici kombinovanog oružja polažu po kriterijima koji važe za lovačke karabine i puške sa neolučenim cijevima			

- (3) Prilikom provođenja dijela obuke koji se odnosi na gađanje vatrenim oružjem i polaganja ispita iz navedene oblasti, stručna ovlaštena organizacija je obavezna minimalno obezbjediti prisustvo lica sa posebnim znanjima iz oblasti tretmana traumatskih povreda koje

mogu nastati vatrenim oružjem i posebnom opremom za pružanje prve pomoći u slučaju traumatskih povreda vatrenim oružjem.

Član 14.

(Prijava za obuku i polaganje)

- (1) Prijava za obuku po Programu obuke iz člana 13. ovog pravilnika podnosi se stručnoj ovlaštenoj organizaciji na Obrascu broj 5. koji je sastavni dio ovog pravilnika.
- (2) Kandidat koji pristupa obuci stručnoj ovlaštenoj organizaciji kod koje pristupa obuci, uz prijavu za obuku, dužan je:
 - a) priložiti potvrdu iz člana 7. ovog pravilnika,
 - b) priložiti ovjerenu kopiju uvjerenja o zdravstvenoj sposobnosti za držanje i nošenje oružja (ne starije od šest mjeseci) i
 - c) dati na uvid identifikacioni dokument sa fotografijom.
- (3) Stručna ovlaštena organizacija neće provoditi obuku niti polaganje ispita ukoliko kandidat ne priloži potvrdu iz člana 7. ovog pravilnika.
- (4) Kandidat koji ima potvrdu o položenom ispitu iz člana 7. ovog pravilnika, prilikom pohađanja obuke za rukovanje vatrenim oružjem druge vrste, pohađa samo praktični dio obuke i pristupa praktičnom dijelu provjere znanja za tu vrstu oružja.
- (5) Kandidat, nakon završene obuke iz ovog člana, pristupa polaganju ispita o raspolaganju tehničkim znanjem za pravilno rukovanje oružjem.

Član 15.

(Troškovi obuke)

Troškove obuke za polaganje ispita raspolaganja tehničkim znanjem za pravilno rukovanje vatrenim oružjem određuje stručna ovlaštena organizacija i/ili nadležni organ u skladu sa odredbama čl. 3. i 9. Zakona o kontroli cijena ("Službene novine Federacije BiH", br. 2/95 i 7/08), kao i drugom važećom pravnom regulativom kojom se uređuje oblast formiranja i kontrole cijena, a iste snosi podnosilac prijave za polaganje ispita.

Član 16.

(Komisija za provjeru raspolaganja tehničkim znanjem za pravilno rukovanje vatrenim oružjem)

- (1) Komisiju za provjeru raspolaganja tehničkim znanjem za pravilno rukovanje vatrenim oružjem imenuje odgovorno lice stručne ovlaštene organizacije.
- (2) Komisiju za provjeru o raspolaganju tehničkim znanjem za pravilno rukovanje vatrenim oružjem sačinjavaju predsjednik i dva člana.

Član 17.

(Način rada Komisije za provjeru raspolaganja tehničkim znanjem za pravilno rukovanje vatrenim oružjem)

- (1) Iz svake nastavne cjeline iz člana 13. stav (2) ovog pravilnika, izuzev nastavne cjeline pod tačkom e), kandidat dobija po tri pitanja.
- (2) O provjeri znanja svakog kandidata vodi se zapisnik u koji se unose podaci:
 - a) ime i prezime kandidata,
 - b) jedinstveni matični broj,
 - c) adresa stanovanja,
 - d) serijski broj javne isprave kojom je provjeren identitet kandidata,
 - e) broj i datum potvrde iz člana 7. ovog pravilnika i naziv nadležne policijske uprave,
 - f) mjesto i vrijeme provjere znanja,

- g) dokumentacija sa zapisnikom o provjeri znanja kandidata, koja uključuje i pojedinačne pisane testove kandidata.
- (3) Dokumentacija sa zapisnikom o provjeri znanja kandidata čuva se pet godina.

Član 18.

(Način ocjenjivanja)

- (1) Ocjene iz svake nastavne cjeline posebno, kao i ukupna ocjena su: "položio" i "nije položio".
- (2) Ukupnu ocjenu "položio" dobiva kandidat koji takvu ocjenu dobije iz svih nastavnih cjelina, odnosno odgovori na najmanje dva od tri postavljena pitanja iz člana 17. stav (1) ovog pravilnika.
- (3) Kandidatu koji dobije ukupnu ocjenu "položio" Komisija za provjeru o raspolaganju tehničkim znanjem za pravilno rukovanje oružjem izdaje potvrdu o položenom ispitu o raspolaganju tehničkim znanjem za pravilno rukovanje vatrenim oružjem na Obrascu broj 6. koji je sastavni dio ovog pravilnika.
- (4) Kandidat koji iz jedne nastavne cjeline, uključujući i provjeru gađanja vatrenim oružjem, dobije ocjenu "nije položio" može ponovo, u roku od 14 dana od dana polaganja ispita, da se prijavi za provjeru znanja iz te nastavne cjeline, bez ponovnog pohađanja obuke.
- (5) Kandidat koji iz više nastavnih cjelina dobije ocjenu "nije položio", kao i kandidat koji na ponovljenoj provjeri znanja dobije ocjenu "nije položio", ponovo pohađa kompletnu obuku i pristupa cjelokupnoj provjeri znanja.
- (6) Kandidat koji iz opravdanog razloga prekine pohađanje obuke ili ne pristupi provjeri znanja, može u roku od 14 dana od prekida nastaviti pohađanje obuke, odnosno pristupiti provjeri znanja.

- (7) Ukoliko kandidat bez opravdanog razloga prekine pohađanje obuke ili ne pristupi provjeri znanja, smatra se da nije pohađao obuku.

Član 19.

(Obavještanje Uprave policije)

Prije svake obuke i polaganja, stručna ovlaštena organizacija dužna je najmanje 24 sata prije održavanja, dostaviti obavjest Upravi policije o terminu i mjestu obuke i polaganja, a nakon obuke i polaganja dostaviti zapisnik iz člana 17. stav (2) ovog pravilnika.

DIO ČETVRTI - PRELAZNE I ZAVRŠNE ODREDBE

Član 20.

(Evidencije)

Komisija i stručna ovlaštena organizacija su dužne voditi odgovarajuće evidencije propisane odredbama važećeg Pravilnika o evidencijama koje se vode u skladu s odredbama čl. 70. i 71. Zakona o nabavljanju, držanju i nošenju oružja i municije.

Član 21.

(Prestanak važenja ranijeg propisa)

Danom stupanja na snagu ovog pravilnika prestaje da važi Pravilnik o programu obuke i načinu osposobljavanja za pravilno rukovanje i poznavanje propisa u vezi držanja, čuvanja i nošenja vatrenog oružja ("Službene novine Kantona Sarajevo", broj 29/18).

Član 22.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 01-7-05-6261/19
08. januara 2020. godine

Ministar
Admir Katica, s. r.

Obrazac broj 1.

IME I PREZIME _____

IME OCA _____

DATUM ROĐENJA _____

MJESTO I OPĆINA ROĐENJA _____

ADRESA STANOVANJA _____

BROJ LIČNE KARTE _____

KONTAKT TELEFON _____

MINISTARSTVO UNUTRAŠNJIH POSLOVA KANTONA SARAJEVO

UPRAVA POLICIJE

_____ POLICIJSKA UPRAVA

PREDMET : PRIJAVA ZA OBUKU, p o d n o s i s e . -

Na osnovu člana 4. stav (3) Pravilnika o programu obuke i načinu osposobljavanja za pravilno rukovanje i poznavanje propisa u vezi držanja, čuvanja i nošenja vatrenog oružja ("Službene novine Kantona Sarajevo", broj ___/19), podnosim prijavu za obuku o poznavanju propisa koji se odnose na držanje, čuvanje i nošenje vatrenog oružja.

Dana ____ . ____ . ____ . godine podnio sam zahtjev za dobijanje odobrenja za nabavljanje oružja.

Dana ____ . ____ . ____ . godine upućen sam od strane _____ policijske uprave da u roku od 60 dana dostavim dokaz o poznavanju propisa koji se odnose na držanje, čuvanje i nošenje oružja.

Uz prijavu prilažem slijedeće :

Mjesto i datum

Potpis podnosioca prijave

Obrazac broj 2.

IME I PREZIME _____

IME OCA _____

DATUM ROĐENJA _____

MJESTO I OPĆINA ROĐENJA _____

ADRESA STANOVANJA _____

BROJ LIČNE KARTE _____

KONTAKT TELEFON _____

MINISTARSTVO UNUTRAŠNJIH POSLOVA KANTONA SARAJEVO

UPRAVA POLICIJE

_____ POLICIJSKA UPRAVA

PREDMET : PRIJAVA ZA POLAGANJE ISPITA, p o d n o s i s e . -

Na osnovu člana 6. stav (6) Pravilnika o programu obuke i načinu osposobljavanja za pravilno rukovanje i poznavanje propisa u vezi držanja, čuvanja i nošenja vatrenog oružja ("Službene novine Kantona Sarajevo", broj ___/19), podnosim prijavu za polaganje ispita o poznavanju propisa koji se odnose na držanje, čuvanje i nošenje vatrenog oružja.

Dana ____. ____. _____. godine podnio sam prijavu za obuku o poznavanju propisa koji se odnose na držanje, čuvanje i nošenje oružja.

Dana ____. ____. _____. godine upućen sam od strane _____ policijske uprave da u roku od 60 dana dostavim dokaz o poznavanju propisa koji se odnose na držanje, čuvanje i nošenje oružja.

Uz prijavu prilažem slijedeće :

Mjesto i datum

Potpis podnosioca prijave

Obrazac broj 3.

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
_____ **policajska uprava**
SARAJEVO

Broj: _____

Dana: _____

Na osnovu člana 16. stav (1) tačka a) Zakona o nabavljanju, držanju i nošenju oružja i municije ("Službene novine Kantona Sarajevo", br.: 1/18, 13/18-ispravka i 30/19) i člana 7. Pravilnika o programu obuke i načinu osposobljavanja za pravilno rukovanje i poznavanje propisa u vezi držanja, čuvanja i nošenja vatrenog oružja ("Službene novine Kantona Sarajevo", broj ___/19), na osnovu zapisnika Komisije Ministarstva unutrašnjih poslova Kantona Sarajevo za osposobljavanje o poznavanju propisa koji se odnose na držanje, čuvanje i nošenje vatrenog oružja, načelnik _____ policijske uprave, i z d a j e

POTVRDU
O POLOŽENOM ISPITU

Dana ____ . ____ . ____ . godine _____ položio je ispit o poznavanju propisa koji
(Ime, ime oca i prezime)

se odnose na držanje, čuvanje i nošenje vatrenog oružja pred Komisijom Ministarstva unutrašnjih poslova Kantona Sarajevo za osposobljavanje o poznavanju propisa koji se odnose na držanje, čuvanje i nošenje vatrenog oružja.

Mjesto i datum**NAČELNIK**

Obrazac broj 4.

NAZIV STRUČNE OVLAŠTENE ORGANIZACIJE

Broj: _____

Dana: _____

MINISTARSTVO UNUTRAŠNJIH POSLOVA KANTONA SARAJEVO**UPRAVA POLICIJE****_____ POLICIJSKA UPRAVA****PREDMET : ZAHTJEV ZA IZDAVANJE ODOBRENJA ZA PROVOĐENJE OBUKE,
p o d n o s i s e . -**

Na osnovu člana 12. Pravilnika o programu obuke i načinu osposobljavanja za pravilno rukovanje i poznavanje propisa u vezi držanja, čuvanja i nošenja vatrenog oružja ("Službene novine Kantona Sarajevo", broj ___/19), _____, sa sjedištem u _____
(Naziv stručne ovlaštene organizacije)

čija je djelatnost _____

_____ podnosi Zahtjev za izdavanje odobrenja za provođenje obuke.

Podaci o odgovornom licu: _____, _____
(Ime i prezime) (Jedinstveni matični broj)

_____ (Adresa prebivališta)

Spisak vatrenog oružja po vrstama za koje će se sprovesti obuka : _____

Uz zahtjev se prilaže:

_____ Mjesto i datum

Potpis odgovornog lica i
pečat stručne ovlaštene organizacije

Obrazac broj 5.

IME I PREZIME _____

IME OCA _____

DATUM ROĐENJA _____

MJESTO I OPĆINA ROĐENJA _____

ADRESA STANOVANJA _____

JMB: _____

BROJ LIČNE KARTE _____

KONTAKT TELEFON _____

NAZIV STRUČNE OVLAŠTENE ORGANIZACIJE
_____**PREDMET : PRIJAVA ZA OBUKU, p o d n o s i s e . -**

Na osnovu člana 14. stav (1) Pravilnika o programu obuke i načinu osposobljavanja za pravilno rukovanje i poznavanje propisa u vezi držanja, čuvanja i nošenja vatrenog oružja ("Službene novine Kantona Sarajevo", broj ___/19), podnosim prijavu za obuku o raspolaganju tehničkim znanjima za pravilno rukovanje vatrenim oružjem.

Dana ____. ____. _____. godine podnio sam zahtjev za dobijanje odobrenja za nabavljanje oružja.

Dana ____. ____. _____. godine upućen sam od strane _____ policijske uprave da u roku od 60 dana dostavim dokaz o raspolaganju tehničkim znanjima za pravilno rukovanje oružjem.

Uz prijavu prilažem slijedeće :

Mjesto i datum_____
Potpis podnosioca prijave

Obrazac broj 6.

NAZIV STRUČNE OVLAŠTENE ORGANIZACIJE

Broj: _____

Dana: _____

Na osnovu člana 16. stav (1) tačka b) Zakona o nabavljanju, držanju i nošenju oružja i municije ("Službene novine Kantona Sarajevo", broj 1/18, 13/18-ispravka i 30/19) i člana 18. Pravilnika o programu obuke i načinu osposobljavanja za pravilno rukovanje i poznavanje propisa u vezi držanja, čuvanja i nošenja vatrenog oružja ("Službene novine Kantona Sarajevo", broj ___/19), na osnovu zapisnika Komisije za provjeru o raspolaganju tehničkim znanjem za pravilno rukovanje vatrenim oružjem, _____, izdaje se

(Naziv stručne ovlaštene organizacije)

**POTVRDU
O POLOŽENOM ISPITU O RASPOLAGANJU TEHNIČKIM ZNANJIMA ZA
PRAVILNO RUKOVANJE ORUŽJEM**

Dana ____ . ____ . ____ . godine _____ položio je ispit o raspolaganju

(Ime, ime roditelja i prezime)

tehničkim znanjima za pravilno rukovanje vatrenim oružjem pred Komisijom za provjeru o raspolaganju tehničkim znanjem za pravilno rukovanje vatrenim oružjem _____.

(Naziv stručne ovlaštene organizacije)

Mjesto i datumPotpis odgovornog lica i
pečat stručne ovlaštene organizacije